

鄱陽縣志卷之二十四

備志二 補遺 經籍書目

補遺

隋董景珍巴陵校尉大業十三年旅帥鄭文光徐德基等謀據郡叛隨推景珍為主景珍曰吾素寒賤不為眾所服羅川合蕭銑梁室之後寬仁大度請奉之以從眾望乃遣使報銑銑招降潁川賊帥柳生以數萬人向巴陵景珍遣德基出迎柳生殺之景珍言於銑誅柳生銑自稱梁王以景珍為大司馬武德三年鎮長沙據郡降唐銑遣將張繡攻之景珍為麾下所殺

綱目

林士宏隋季與鄉人操師乞同起隋遣劉子翊射殺師乞士宏收其眾戰彭蠡子翊敗死士宏據虔州自號南粵王俄

鄱陽縣志

卷二十四

補遺

一

號楚稱皇帝建元太平任其黨王戎為司空臨川廬陵南康宜春豪傑皆殺隋守令以附北盡九江南番禺悉有之後蕭銑以舟師破豫章士宏獨有南昌虔循潮之地銑敗復振武德五年王戎獻南昌地士宏退保安城袁人相聚應之為張善安所察以兵赴討會士宏死其黨乃散

唐書

唐李濤少以文學名僖宗時舉為河陽令尋舉進士光啟三年吳楊行密興義兵於江淮濤儒服謁軍門協贊大計會賊將秦彥陷揚州行密哀兵進援濤以所部為前鋒奏補都尉未幾進爵押衙檢校右散騎當侍兼御史大夫四年以功補右押衙繼遷刑部復擢戶部尚書

人物志

唐南周繼緒詣闕上書累官至郎省告免歸鄉與名僧道士為雲泉之交元宗召之授以美官堅辭不就上嘉之賜粟帛

又賜金銀一兩敕曰是朕苑中自種菓者今以賜卿表卿高尙之節

見宋江南餘載

周惟簡隱居明易後王聞其名起布衣爲集賢殿侍講以虞部郎中致仕還山金陵被圍思得奇士可使兵間者起授給事中副徐鉉使宋太祖召見惟簡奏曰臣本野人未嘗與聞使指伏聞終南山靈藥願得棲隱太祖許之金陵平命爲國子博士久之上表請解官遂初志

唐餘紀傳

宋余儔字季倫號癡齋吾鄉詩人也章泉先生雅愛之作書使袖訪韓仲止及門候謁甚久將命者出扣所由來久猶未出余題二詩壁間云謁人久不出元坐如初荻蒼頭前致詞問我何因來士節久凋喪人情易嫌猜本無性命憂不去安待哉其二云名聞由昔者禮進合欣然古有不屑

鄱陽縣志

卷二十四

補遺

二

教意令加後鞭尙書八座貴吏部一燈傳驚代文章伯會容賈浪仙已乃拂袖去仲正見詩遣人追之余竟不返余有詩集號蛙吹藏於家云

游宦紀聞

歐陽公集贈潘景溫叟詩云鄱陽奇男子

石白方字元矩

按傳題稱正素先生

師冲寂太師孔守容爲道士長七

尺餘龐眉秀髯大耳高顴音聲如鐘莊靜淡泊有深沉之思經史百氏無不通曉尤嗜莊列書眉山陸惟忠授丹訣往來西山廬阜與方外隱逸以琴酒自適自號渾淪道人時虛靖天師作菴於龍虎戲珠峰元矩至卽榻榜曰渾淪菴虛靖被召拉元矩偕行居無何返故廬朝廷方求巖穴奇士部使者以元矩聞強起至京師徽宗幸寶籙宮講所元矩在焉上望見儀狀魁偉召前問從何來對曰草野臣

無他技能江東使者以臣應詔即日授金壇郎至杭州洞霄蓋宣和元年冬也七月至宮四方學道者翕然從之冬十月盜起嚴徽聞明年正月破臨安縣民吏散走其徒亦治舟請行元矩曰吾被天子命主此宮守死吾職也公等第去已而賊至元矩正色叱之遂遇害門人陳用光叩闥言死事狀上憫其忠賻錢三十萬贈正素大夫制書曰敕故金壇郎石自方頃者盜嘯浙東侵犯鄰壤而居官任職者往往驚遁爾典司真館守正不回叱罵兇徒遂致蹈難賜頒賻賚超進道階非獨勸死節者之榮而亦爲偷生者之愧時東南死事者纔三數人士大夫以此高之平生有詩文數百篇以元矩死節洞霄號石洞霄曲肱先生熊彥詩作石洞霄傳贊曰舍生取義名教所美山林間人人不

鄱陽縣志

卷二十四

補遺

三

望此宣和東南嘯聚蜂起望風逃遁守土猶爾元矩正色罵賊已死璽書褒嘉永耀青史宋鄧牧洞霄圖志

胡詠之朝散生平好道淮海張子賢邦基墨莊漫錄載之甚詳具言其就熙河姚雄之辟嘗遇呂仙於弋陽夫能贊邊帥之幕又得與異人酬對定吾邑一雅流惜志載遺之聊爲表出滙東

張棲筠乾道六年任純安知縣以廉能稱邑人祠之嚴州府志

楊九如習地術告張承土湖上一地可作花園切不可失張邢州人北俗以豫凶事爲諱楊意欲使他日爲葬地承卒其子圮葬之十年後登第夷堅志支景

嘉定戊辰番陽李駿經小三峽愛清泉之奔流懸崖之對峙出橐貲與白鹿洞諸生翔亭峽上後十年戊寅莆田陳宓

復鼎新崇大之扁以枕流

南康古蹟

傅立鄱陽人南城廖應淮以上疏言丁大全配漢陽軍遇蜀人杜可久授以邵子先天易數嘗言宋鼎將移後以其數學授進士彭復之以傳鄱陽傅立

元顧仲瑛集有滿城風雨近重陽分韻詩其序曰至正辛卯余自勾吳還會稽飲酒玉山而別當是時已有行路難之歎繼而荆蠻淮夷山戎海寇警呼並起赤白囊旁午道路馳驅鋒鏑間又復相見因相與道寒溫慰勞良苦玉山爲設宴高會梧竹堂上座皆俊彥能文章歌舞盡妙選客有置杯而歎者余笑曰子何爲是拘拘也夫天下之理未有往而不復器未有久而不用者諸君子有文武才將乘風雲之會依日月之光行且有日余尙拭目以觀太平之盛

鄱陽縣志

卷二十四

補遺

四

何暇作愁嘆語耶玉山揚觶而起曰子誠知言哉於是飲酒樂甚明當重九遂以滿城風雨近重陽爲韻各賦如左
壬辰九月八日鄱陽蕭景微序觀此則景微吾邑雅流陸良貴柳塘春小集分韻序亦鄱陽蕭君蓋卽景微仲瑛詩稱仙人遠方來羽服自蕭散則潛身方外者徐松巢詩題云馬天心遠遊而歸椎髻變而巾幘袖衣變而縫掖名字號俱變書亦學顏作三詩寄之則天心亦英彥今皆無可考史滙東

克新字仲銘宋左丞余襄公九世孫始業科舉朝廷罷進士乃更爲佛學益通外典務爲古文出遊廬山下九江覽金陵六朝遺迹所與遊者楊廉夫顧仲瑛丁仲容皆一時名流洪武中奉使往西域招諭吐蕃爲文二十年自稱江左

外史殆亦有微指歟 列朝詩集

吳汝字國棟至正間戍邾城大水堤盡決悉力載石巨舫塞之徐壽輝倡亂破邾下武漢諸城汝起兵復武昌僞漢遁復飲黃鶴樓爲漢兵襲破率其麾下渡江以圖興復不克死之部將黃榮劉戶沈權等統眾還饒州明太祖與陳友諒戰鄱陽黃榮以兵從榮稱戰時見汝白馬紅袍憑空助敵上敕封護國忠臣顯靈王邾民立祠以祀之 湖廣通志

聶古柏字里未詳官吏部侍郎黎嶺安南志略云至大四年遣禮部尚書乃馬歹吏部侍郎聶古柏兵部郎中杜與可奉使安南宣仁宗皇帝卽位詔詩集失傳僅見傅習孫存吾皇元風雅數篇而已按吾鄱郡邑志徵辟中洪武初有聶克修官刑部侍郎而無專傳考鄱人位及侍郎者少聶

鄱陽縣志

卷二十四

補遺

五

姓亦不多惟城西麗池湖畔夷堅志支癸所謂諸聶世居者也村有聶侍郎宅今猶存十許家則古柏殆克修之字與號而爲鄱人無疑也第仁宗卽位去洪武之興垂五十年恐黎志有譌亦或侍郎早達而壽太祖舉事卽以舊官徵歟更俟博考 史珥

魯修學詩李存先生至正末罹兵燹懼其詩漫逸埏埴爲甃刻瘞芝山中太史宋濂爲之銘 序云 鄱有奇男子魯修學

詩李存先生先生以文雄江東獨奇修修有詩朋十人皆緣情善賦鄱數罹兵燹懼其詩失傳埏埴爲甃刻瘞山中瘞已請金華宋濂勒銘其上銘曰河清嶽明効坤之靈何蕤綏兮烏文龍章於粲其英昌厥辭兮冥智斂眞返諸至神霾黃壚兮泄爲醴泉三秀于眠含貞符兮鄱山可夷鄱

水可移道如初兮

明周慎字伯甯江西十才子之一明太祖以唐宋皆有成律
惟元以一時行事為條格胥吏易為奸詔李善長等定律
令慎為大理寺丞亦預焉書成上稱善官至刑部尚書列
卿錄按列朝詩傳以慎為江甯人為饒長史附錄俟考

趙東山子常次韻玉琊雲隱圖序云鄱陽王本善故居懷王
山之北號曰玉琊雲隱鄉先達進士董公為之記和陽王
使君為之賦又得星源王徵君為之圖余嘗過本善所寓
見其淨掃一室琴書圖畫與弓劍雜陳前培桂植菊怪石
纖蒲幽潔可愛蓋能審已推分隨所遇而安視竄名尺籍
而有所顧願者不同科也乃次使君韻附於卷末以釋其
幽思云觀此則本善固雅人而詩云馬上劍三尺又云解

鄱陽縣志

卷二十四

補遺

六

甲登陣後懸弓定地還似耕屯彼土者微此序豈復知吾
鄱有是人哉滙東

魏居敬名政明初以詩號堯山雪牧

王景顏永樂間邵武府知府匡憲致書幣遣庠生李觀聘為
學職以母老辭自是索居田里終其身焉府志

尚書都官員外郎陳君墓志云初尉鄱陽令得盜五人使尉
自功君辭不受陳名樞字慎之可補入志名宦令亦賢矣

惜軼其姓名史珥

張蟾為忠州守廉介剛直時中官採木蜀中大肆貪暴沿江
諸郡為之騷動蟾擒其僕從將劾之中官懼請謝引去四

川名宦志

給事中劉炫劾王崇古行賄榮遷詔責炫妄言炫及同官彭

應時論崇古弛防徇敵又嘗議疏漕河均見明史姜荃林

福王時奉旨錄用未詳何官亦見明史解學龍傳

朝黃發高沙坂氓少依叔嬸居叔患目疾有子僅三歲一家

三口仰食於發發傭工以其資為朝夕謀叔嬸歿發積貲

為叔子娶婦仍傭工以給之越數年叔子生子而卒發復

力田操作撫其子而已以鰥終其身同里黃都有兄不善

治產移家居離其鄉二十餘里未幾兄嫂歿遺一姪纔數

歲都携養之亦以傭工貲置田宅為姪娶婦而已以鰥老

是雖農氓不識字其樸誠固天性也邑觀察程鈺曾為傳

以紀其事

王和鳴樂亭村人性樸厚咸豐壬子歲饑罄家所積不能贖

出衣物予質遭賊燬不索償嗣後復饑自出契領借錢三

鄱陽縣志 卷二十四 補遺 七

百串以濟族之不給者鄰里多稱之

按舊志有宦蹟唐吳棠光祿勳明陳暄唐海州刺史王翰橫州知州

國朝張登高廬州府知府文苑范懋德陶若璠戴定民並傳通經史善

為詩甲申志又有方仲穡建康太守方銓武陽教諭方陟新安教諭方

纒沅江縣尹方銓江都簿方鎔平樂府教授方仁安慶同知方壺壽甯縣尹均

無事實可徵茲仍舊姑存其名云

鄱陽為郡最古至隋始改名饒州故凡前人隸饒者書

籍所載皆稱鄱陽人如馬端臨樂平人著文獻通考張

世南德興人作游宦紀聞余安行德興人月石至言張

根德興人吳園易解俱自稱鄱陽人以及程端蒙德興

人朱子作墓表魏安行樂平人王庭珪重修三秀亭記

曾修樂平人宋濂作詩冢銘柴實齋餘干人虞集作鹿

洞書院新田記蔡仲淵樂平人梁寅江西貢院唱和詩序鍾季玉樂平人見建昌府舊志皆稱爲鄱陽人其餘散見各書不可枚舉然籍旣區分則其邑自有列傳固無事搜遺補闕也以上遺人

晉皇甫方回傳少遵父操兼有文才南土人士咸崇敬之刺史陶侃禮之甚厚侃每造之著素士服望門輒下車而進接方回謚子也晉書

唐臨川石刻雜法帖一卷載歐陽率更一帖云年二十餘至鄱陽地沃土平飲食豐賤眾士往往湊聚每日賞華恣口所須其二張才華議論一時俊傑殷薛二侯固不待言戴君國士出言便是月且蕭中郎頗縱放誕亦有雅致彭君搗藻特有自然至如閣山神詩先輩亦不能加此數子遂

鄱陽縣志

卷二十四

補遺

八

無一在殊使痛心茲蓋吾鄉故實也容齋隨筆

宋彭器資尙書熊伯通舍人皆鄱陽人其父並爲郡吏兩公少同學彭公旣魁天下聞報之日太守卽喻其父使罷役且以己所乘馬及導從并命郡吏送還家鄉閭以爲榮其徒相與言曰彭孔目之子旣已爲狀元矣熊孔目之子當何如次舉熊伯通亦擢上第時前守已替去後守悉用前例送熊之父還家自是一郡歆艷家學益眾南窗紀談

洪興祖徒知饒州先夢持六刀覺曰三刀爲益今倍之其饒乎已而果然宋史 儒林傳

番江寓客趙叔簡編修宣和故事見清波雜志按叔簡所編必於時事有裨書旣不傳則吾郡亦不復知有此寓公矣

滙東

鄱陽爲郡文物之盛甲於江東無圖經地志嘉定乙亥史守定之始延郡之前輩訪問彙聚而爲圖經然登載亦未詳盡如秋薦五有五人殊無確然之說世南嘗聞之先生長者云舊額二十五人自范文正公守此邦通榜渾化驟增員數此說盛行牢不可破是亦口耳之傳有故舊家藏元祐五年解榜止三十有三人在文正公之後又德興縣開山記載宣政間撥弋陽縣建節鄉人本縣分割苗稅而信州減兩名解額歸饒以此可見人言之妄嘗試考之蓋自大觀興三舍試番士寢盛以在郡學人數定貢士額歲貢一十八人半後罷貢法行鄉舉合三年大比積計五十五人半遂爲定制此說載之國史及法律學台南渡後西北流寓土人每郡科場各舉二人紹興丙子罷流寓入本

鄱陽縣志

卷二十四

補遺

九

貫額諸郡各增其二惟饒以額寬故仍舊云

游宦紀聞又夷堅志支景

載紹興辛亥江東西舉子類試於饒州

今之人謂寒食爲一百五日以其自冬至之後至清明歷節氣五凡爲一百七日而先兩日爲寒食故云他節皆不然也杜老有鄜州一百五日夜對月一篇江西宗派詩云一百五日足風雨三十六峯勞夢魂一百五日寒食雨二十四番花信風之類是也吾州城北芝山寺爲禁烟遊賞之地寺僧欲建華嚴閣請予作勸緣疏其末一聯云大善知識五十三永壯人天之仰寒食清明一百六鼎來道俗之觀或問一百六所出應之曰元微之連昌宮詞初過寒食一百六店舍無烟宮樹綠是以用之

容齋四筆又見搜采異聞錄

陽翟崔鷓德符以文學稱鄉里後任鄱陽有詩云記得詩狂

欲發時鄱陽湖裏月明知無人爲覓桓伊笛白捲秋蘆片
葉吹范稱過庭錄

劉季孫初以左班監饒州酒題小詩於治所壁間呢喃燕子
語梁間底事驚迴夢裏閒說與旁人渾不解杖藜携酒看
芝山時王荆公任本路憲按行見之大加稱賞遂檄權本
州教授後葉石林特著於詩話中芝山乃饒州近時僧寺
後池陽刻本乃改芝山爲前山一字不審乃失全篇之意
抑見自昔石刻亦可承師儒之乏

清波雜誌

洪君香江人先人爲郡幕時祖母留鄉里洪每值正至必以
書送壽酒外題狀上太夫人凡療病有視者皆屬先人旣
以書翌日再展狀謝此等禮數度前哲常行之特今創見
周輝清波雜誌

鄱陽縣志

卷二十四

補遺

十

徽宗以紹興乙卯歲升遐時忠宣公奉使未反命滯留冷山
遣使臣沈珍往燕山建道場於開泰寺作功德疏曰千歲
厭世莫遂乘雲之僊四海邊音同深喪考之戚况故宮爲
禾黍改館徒饋於秦牢新廟溯衣冠招魂漫歌於楚些雖
置河東之賦莫止江南之哀遺民失望而痛心孤臣久繫
惟歐血伏願盛德之祀傳百世以彌昌在天之靈繼三后
而不朽北人讀之亦墮淚爭相傳誦其後梓宮南還公已
徙燕率故臣之不忘國恩者出迎於城北搏膺大慟北人
最重忠義不以爲罪也

容齋三筆

洪忠宣留冷山時趙伯璘偕妻高陷悟室麾下高懿節皇后
妹也夫婦貧無以活公屢賙之又范蜀公鎮之孫祖平金
不知其常爲官役使之公令其以東坡所爲蜀公銘自白

遂得釋公復資之歸

劉光世庶女爲人豢豕公贖以重

價爲求配偶又張待

宇發死雲中公過荒寺見其櫬携

至燕山以授其僕鍾

功又馬侍郎朴握節以死無能明

者公還朝爲陳本未詔贈禮部尙書其義事類此者尙多

府志

盤洲種枳六本以爲藩籬之限立小門名曰六枳關每爲人

問其所出倦於應酬今取馮衍顯志賦中語書於此衍云

建六枳而爲籬按東觀漢記作八枳逸周書小開篇有德

枳維大人大人枳維公等語宋景文公賀宰相啟式維八

枳蓋用此云

容齋四筆

明陶安甲辰知饒州上賜以詩曰匡廬巖穴甚濟濟水怪無

端盈彭蠡鱷魚因韓去遠潮陶安鄱陽同一理三年入朝

鄱陽縣志

卷二十四

補遺

十一

民爲之歌曰千里榛蕪侯來之初萬姓耕闢侯去之日既

而復命守饒州民益懷其德復歌之曰湖水悠悠侯澤之

流湖水有塞我侯恩德

沈氏士謙明良錄

永樂九年夏琉球國中山王思紹遣使坤宜堪彌等貢馬及

方物并以長史程復來見表言其國長史程復本中國饒

州人輔臣祖察度四十餘年不解于職今年八十有一請

命致仕還其鄉從之陞復爲琉球國相兼左長史致仕還

饒州

府志

崑山周壽誼年一百十三歲生于宋而鄉飲於洪武六年子

孫皆有百歲家建世壽堂六世孫震正德中令鄱陽出世

壽卷士大夫多題詠之

中洲野錄

夷堅志支甲載鄱陽市民汪乙居倉步門外販魚鼈姜彥榮

條有豐泰門倉步豐泰郡邑志不載其沿革意倉步必有倉而近水其今之番江月波平今漕倉在月波門內蓋康熙初就兵備道舊址改建或卽宋倉故處未可知也邑志載舊倉在城東十五里者誤蓋城東有地名義倉必昔時義倉所在非漕倉也聞今常平倉卽明漕倉故址志載大有倉在西隅豐泰坊則豐泰殆今蠓州門而大有之爲漕倉爲常平不可考矣支辛載永甯寺道場有慶善橋似卽今大龍橋舊名清風橋支王載蔣二遇鬼行次金標坊澹津湖北岸洪丞相府前則金標坊似在今茶場後口志皆未載

滙東

鄱東北牧童春間剝穉桐皮吹之嗚嗚如角聲特兒童之戲吳僧無任舟次江亭詩云歸思悠悠極渺冥暫離舟楫並

鄱陽縣志

卷二十四

補遺

十三

長亭春江水煖蒲茅白野岸烟銷柳眼青鳴犢帶繩登廢壟征鴻和影度遙汀不知何處吹桐角獨立天涯淚欲零詩工雅桐角名亦新而穩蓋卽牧童所吹宋詩蔣夢炎有桐角喚回前嶂曉之句黃昌有數聲桐角歸來晚之句則又在無任前通考有桃皮觥栗蓋卷桃皮以吹宋彭吹部有其器

滙東

三國史言鄱陽歷陽山石文理成字晉志鄱陽郡有歷陵縣宋書載永初郡國志鄱陽郡有歷陵縣漢舊縣何志無觀此則歷陵置於孫吳廢於劉宋疑歷陵卽歷陽字相似而譌必吾鄱境內地非今之歷陽亦非今江州德安舊爲歷陵者而郡邑志皆不載今郡治東北百里外有歷陽鎮宋時彭公大雅黎公廷瑞之里也元末于光嘗結鄉勇保聚

其間明初移其城甃石築浮梁城居民遂散今城址猶存
一面臨江三面環深谿固一方險要也名以鎮者意必嘗
設官守禦於此疑在劉宋廢歷陽縣後蓋吳晉未置浮梁
此地較縮其口立以爲縣正當要害及縣廢鎮立土人遂
稱鎮而縣名隱矣今字或作麗作利而語言則皆歷音也
聊劄所見表出俟究心往蹟者折衷焉 滙東

螺蛸洲在鄱江東南岸志稱洲若增長則郡士登科不詳所
始然洪文惠賀張忠定王恭簡啟皆用螺洲事似爲入相
之占非僅登科也意當時術者必有是說而文惠竟登揆
路不數十年馬碧梧繼之則說似不誣乃自碧梧至今莫
有繼者未知是洲視昔何如也洲西壩有宗三廟頗崇敞
余壯年猶存甲子大水廟與址悉崩入洪濤中則郡邑仕

鄱陽縣志

卷二十四

補遺

三

宦之凋耗也宜哉 史珥

吾邑郭璞峯外有碁盤嶺頂有磐石上有碁局縱橫布列相
傳仙人遺局余屢過其下而未及一視太陽步南有神山
山巔亦有石碁石局如人所位置者史拙存先生嘗飲黃
其上驗之而信石上有屐跡甚分明疑亦馬跡山馬跡之
類也 史珥

國朝

勸孝亭在小嵩山東麓二十四都民人陳澤民建周圍六
柱中四柱俱豎石爲之邑明經劉春暉撰記翰林蘇和卿
書石碑嵌亭東石壁

按通志云饒郡贛洲門外贛洲舊產珠今無聞史記珠
章出黃金漢書地理志鄱陽下注有黃金采參以馬氏
通考所云承平時聖節天下進奉金一千三百兩江東

路獨當一千兩而又止饒州一郡所出宋洪邁有饒州
減貢金劄子唐書饒州鄱陽郡上土貢歛金銀簞茶有
永平監錢官有銅坑三又陝宜潤饒衛信六州銀冶五
十八銅冶鐵山五鉛山四權萬紀奏言宜饒郡中可鑿
山冶銀炭取數百萬宋史饒州產金常禁商市鬻或有
告論遠繫滿獄凌策縱民販市官責其算人甚便之又
命江饒池州鑄鐵錢紹興年間併饒州鑄錢司於虔州
後又復饒州贛州韶州鑄錢監張齊賢至官詢知饒信
虔土產銅錢鉛錫之所推求前代鑄法程元鳳仍兼知
饒州治司歲有冬夏帳金悉舉以補郡積年諸稅斂之
不足者厯考諸史金銀銅鐵錫饒有其產州之所由名
饒也顧自宋以後不惟金銀之產久已無聞卽銅鐵錫

亦無所出邇來連歲水災低壤悉爲巨浸自遭髮逆擾
害室燬於火人死於兵昔日膏腴鞠爲茂草高薨巨室
盡爲瓦礫休養生聚豈不深有望於賢有司哉

以上意

經籍書目

晉大司馬陶公故事三卷長沙公集二卷六軍鑑要一卷陶侃著

唐吉侍郎集吉中孚著

宋易義十卷伏羲卦畫圖一卷乾生歸一圖詩義二十卷鄱陽集五十卷彭汝礪著

文集三十卷奏議二十卷熊本著

陶氏譜一卷陶直大著

白石集三卷詞五卷絳帖平二十卷白石道人詩說續書譜一冊送人歌曲一冊白石叢稿十卷姜夔著

馬存集十卷經濟集十二卷馬存著

鄱陽集五十卷松漠紀聞二卷金國文具錄一卷春秋紀詠鄱陽縣志卷二十四 經籍書目

三十卷帝王通要五卷姓氏指南十卷忠宣公本集十卷輶軒唱和集三卷洪皓著

盤洲集八十卷隸纂十卷隸韻十卷隸釋二十七卷隸續二十一卷壺郵十五卷唐登科記十卷五代登科記一卷宋

登科記三十二卷荆門惠泉詩集二卷天台石橋詩選一冊洪适著

泉志十五卷東陽志十卷小隱集七十卷翰苑羣書十二卷中興以來玉堂制草六十卷譜雙十卷訂正史記真本洪遵著

節資通治鑑一百五十卷太祖太宗本紀三十五卷四朝史紀三十卷列傳一百三十卷欽宗寶錄四十卷次李翰蒙求三卷紀紹興以來所見二卷集哲宗寶訓六十卷欽宗

寶訓四十卷高宗聖政六十卷高宗寶訓七十卷孝宗寶訓六十卷漢苑羣書二卷會稽和買事宜七十卷皇族登科題名一卷贅稿三十八卷詞科進卷六卷蘇黃押韻三十二卷隨筆五集七十四卷夷堅志四百二十卷經子法語二十四卷春秋左氏傳法語六十卷史記法語六卷前漢法語二十卷後漢精語十六卷三國志精語六卷晉書精語五卷南史精語六卷唐書精語一卷野處類稿一百四十卷野處根稿一百四卷瓊野集四卷萬首唐人絕句九十一卷楚東唱酬集二卷唐宋五代登龍記三十七卷鄱陽志十卷 洪邁著

三洪制稿六十卷盤洲編二卷 洪适兄弟著

諸史纂約刑鑑兵鑑 董聲應著 蛙吹集 余季倫著

鄱陽縣志 卷二十四 經籍書目

學餘集 彭克紹著 自鳴集十五卷 章甫著

野人集 王茂先著 近情集一卷 王仲可著

番江集二冊 袁廣微著 遊宦紀聞 張世南著

搜采異聞錄 闕名

元芳洲詩集 黎廷瑞著 忠史一卷 楊元著

程朱易傳本義折衷月灣詩集巴歛雜詠樂庵遺稿一冊 吳存著

拙齋集 周應極著

元詩傳微 陳煥著 寓菴集 葉蘭著

師友集一冊東澤綺語 張伯雨著

說文字原一冊六書正譌二冊官箴一冊近光扈從集三卷

宋鑑續編通鑑總類致用齋稿 周伯琦著

溪香集 釋正則著

明清華集 劉宗玉著

澹湖集十卷 徐素著

詩集一冊春雨軒集九卷 劉炳著

篆韻集鈔 劉彥振著 順成集 王琛著

易經發明詩經詳釋四書釋要 何英著

海上詩稿一卷 朱韞珉著

文翰類選大成一百六十三卷 淮康王編長史李伯與輯

編刻詩 淮莊王輯 革書一卷 劉濟著

性書三卷 訥齋集續彙稿經世大訓游藝至論 余祐著

枕肱集二十卷清風亭稿海岳涓埃論蜀稿籌邊錄 童軒著

草堂集 邱霽著 羣英雅言 王釐著

雅頌正音五卷臺閣遺踪二卷 劉仔肩著

芝山集 舒子真著 春秋左傳地名錄二卷 劉城著

鄱陽縣志 卷二十四 經籍書目 三

煮雪稿 朱智著 稼軒集 黃晟著

駒陰冗記 閻莊著 堯峯詩集 歐陽杲著

文集十卷 周旋著 楓落稿 俞璠著

哲亭集亭湖詩 劉錄著 憲章正錄 劉瀚著

邊關圖說二卷 劉昌鎮著 花月仙鄉記 李榕著

中洲莖錄饒志摘詠詩稿 程文憲著

文政管窺 閔桓著 臥雲閣詩一卷 劉文莊著

歲寒集 孟常著 白下紀聞 史秉中著

風忠錄 史桂芳纂舊名英風紀異

惺堂集十卷 史桂芳著 晉齋遺集 姜金和著

大明律集解附例三十卷 高舉著

文集十二卷 劉麟著 篆韻輯解五卷 鄭鼎臣著

恤刑錄燕夢堂集四十卷 江和著

芝陽集 劉應麒著 匡主樓詩一卷 姜之浩著

大賓遺集 董大賓著 猗嶠集六卷 江南錦著

帶湖草 江賓卿著 弗告亭稿 陳之可著

陶武集 紀杭著 江湖紀行集 胡德清著

易經明解 李如玉輯 俞俞軒詩一卷 劉美炫著

春草浪吟集 劉美燦著 澹蕩人集二卷 史稽古著

江州集瀛海紀事有獲堂詩稿難後草一卷僑翁詩鈔二卷

史乘古著 易辰六卷 賀登選著

醋甕吟遺稿 程巨著 偏埜齋遺稿 程汝成著

書經旨要六卷越芝堂日記二卷芝郡文獻錄六十卷鄱陽

五先生集十六卷 史簡編著

鄱陽縣志 **卷二十四** 經籍書目

繫辭臆解辨說一冊 李如玉著

厚本集清源集 廉靖著 三餘紀事 劉麒著

書種園稿隨巷文集我夢園集四卷 陳曾著

怡虛集 程四達著 閨閣芳踪 女士李機著

女教經 宗女隆姬著

國朝漢水文集八卷荒遯齋詩集十卷別集四卷珠湖閒語一

卷春秋二傳合略十二卷孟隴雜詩一卷人文觀八卷竹

村雜記二卷 史白著

安節先生集 王順乾著 知非草鳴山集 周邦楨著

文集二卷 陳鯁著 讀史質疑戊丙樵書 胡衮著

聚菴文集梧垣奏議善惡明微 史彪古著

十三經源流二卷禮經大義十七卷史學會編十九卷質疑

略二卷漕運瑣錄一卷 王言綸編著

書經集解十二卷 徐澄著 易經解就正草略 戴記著

萍莊集二卷湖上草堂集二卷石壁山房稿四卷滌硯齋四

卷蛙吹詞二卷律陶雜詩一卷浪遊草二卷覆瓿草二卷

程建章著

剛後詩焚後詩歸田錄藏書五種閒書十五種詩說龜書元

契星槎遺集 程作舟著

魏峯集燕遊草 徐人元著 璞菴集二卷 周道興著

侗齋澄墨侗齋集三卷 史同人著

夢花閣詩稿 閔華著 詩文彙稿 閔汝著

四書聚精讀史隨筆山居偶草傳習錄一家錄 史詢著

周禮疑誤辨一卷大禮圖說四卷鐵翁詩稿六卷嫌劍吟詩

鄱陽縣志 卷二十四 經籍書目 五

集二卷小潛詩餘一卷弧矢算法一卷 史大壯著

卽僊樓詩集 余日煌著 染月堂詩集 史傳祚著

學吟編 王大垠著 唾珠樓存稿二卷 王大壘著

庚庚集陶村詩稿 徐璣著 橘南詩存 史璣著

瀼水司鐸詩稿四卷 程以忠著

燕貽堂詩文集鷄肋吟 李肖筠著

長嘯齋詩文集續安溪易象書 史虞著

千秋閨鑑錄 史宏譽著 憶莪文集 史傳著

四史勦說十六卷胡忠烈遺事二卷塞遊草二卷四史俟質

八卷鄱郡史事考二卷三立考二十四卷鄱郡遺詩考四

卷藝潤書屋隨筆二十卷且存文集四卷且存詩四卷存

舊錄二卷睡餘錄二卷年譜一卷 史瑛著

如心堂詩稿四書律 朱能恕著

西掖清吟董子繁露瓣香篇 王定遠著

六峯詩古文集四卷 朱鼇著

秦中宦遊歸田錄鶴亭詩稿 蔡璉著

泊心錄 曹案著

四書講要春秋題解 閔忻著

至敬文集四卷雪窗閒稿匪莪詩集元峯詩鈔 汪士坤著

天文地理圖易經解 劉嘉健著

金鑑堂詩文集 張澄著 醫略醫說 徐琳著

蓄德錄耄學錄史林測義三十六卷 計大受著

四胗述古食物辨六卷歷學算學禮樂志傷寒論 章穆著

咄咄吟岫雲編匪存吟 徐燾著

易義摘要鸚鵡詩文集 胡楨著

鄱陽縣志 卷二十四 經籍書目

博山詩鈔 徐坤著 研山詩牋 史壇著

硯亭詩稿二卷 王之棠著 課餘草 朱霞著

東南集淚枯草撥爐閒話 黃志本著

雲屏詩集 徐正倫著

周易正韻易圖集釋毛詩識名編儀禮喪服表周髀經注白

初經解白初文集白初詩集雜說一得錄古錢偶存錄 胡

文翰著 竹岡詩文集 徐鸞著

花南水北山莊全集聽泉草影帆樓近稿 蕭鈞著

知不足文集稻香吟館詩集 周彥著

誰園續集 程題雁著 羣雅堂詩文集 程暄著

雲渚詩草 徐法濂著 明志齋詩文集 周篋著

梅花閣集 程直仞著 格物真詮 劉春暉著

四書五經音義辨讀地理水法一聲雷食魚錄 徐進著

虞臺詩集 金正儀著

四書釋疑 周國玠著

嘯雲詩稿 胡漸達著

省吾詩集 程銘著

琢堂詩集 程鉅著

嘯硯齋詩集 李國昉著

菊樵吟稿 張拱陶著

鄱自陶桓公而後著作如林乃或家有藏書難期世守其
未經剞劂者已渺不可追即間授棗梨者亦多付諸秦灰
楚炬僅存卷帙百無一二聊志書目以見先正殫見洽聞
典型未泯也後之覽者其能無慨於斯夫